

正統校書經集傳  
商書

漢書門				
一	二	三	四	五
册	架	函	號	類

八二一	二七三
一六〇	一四

內閣文庫	
番號	漢 8210
冊數	16 ( 11 )
函號	273 185



書卷之三

淺草文庫



蔡沉集傳

商書

契始封商。湯因以為有。釋音。契。私列反。字。天下之號。書凡十七篇。云。黃帝之曾孫帝嚳生契。又傳十三世生湯。

湯誓

湯。號也。或曰謚。湯名履。姓子氏。夏桀暴虐。湯往征之。亳。衆憚於征役。故湯諭以甲伐之意。蓋師興之時。而誓。神于亳都者也。今文古文皆有。釋音。至反。



亳白  
各反

王曰。格爾眾庶。悉聽朕言。非台小子。敢行稱亂。有夏多罪。天命殛之。

王曰者。史臣追述之稱也。格。至。台。我。稱舉也。以人事言之。則臣伐君。可謂亂矣。以天命言之。則所謂天

釋音

經

台音怡。本篇及後諸篇並同。稱平聲。

今爾有眾。汝曰我后不恤我眾。舍我穡事而割正夏。予惟聞汝眾言。夏氏有罪。予畏上帝。不敢不正。

穡刈穫也。割斷也。亳邑之民安於湯之德政。桀之虐焰所不及。故不知夏氏之罪。而憚伐桀之勞。反謂湯不恤亳邑之眾。舍我刈穫之事而斷正有夏。湯言我亦聞汝眾論如此。然夏桀暴虐。天命殛之。我畏上帝。不敢不往正其罪也。

釋音

經

舍音

管

斷都反

今汝其曰。夏罪其如台。夏王率遏眾力。率割夏邑。有眾率怠弗協。曰時日曷喪。予及汝皆亡。夏德若茲。今朕必往。

遏。絕也。割。剗割。夏邑之割。時是也。湯又舉商眾言桀雖暴虐。其如我何。湯又應之曰。夏王

率為重役以窮民力。嚴刑以殘民生。民厭夏德。亦率皆怠於奉上。不和於國。疾視其君。指日而曰。是日何時而亡乎。若亡。則吾寧與之俱亡。蓋苦桀之虐。而欲其亡之甚也。桀之惡德如此。今我之所以必往也。桀嘗自言。吾有天下。如天之有日。日亡。吾乃亡耳。故民因以日目之。

爾尚輔予一人。致天之罰。予其大賚。汝爾無不信。朕不食言。爾不從誓言。予則孥戮汝。罔有攸赦。

賚與也。食言言已出而反吞之也。禹之征苗。止曰爾尚一乃心力。其克有勳。至啓則曰用

命賞于祖。不用命戮于社。予則孥戮汝。此又益以朕不食言。罔有攸赦。亦可以觀世變矣。

### 仲虺之誥

仲虺。臣名。奚仲之後。為湯左相。誥。告也。周禮。士師以五戒先後刑罰。一曰誓。用之於軍旅。二曰誥。用之於會同。以喻衆也。此但告湯而亦謂之誥者。唐孔氏謂仲虺亦必對衆而言。蓋非特釋湯之慙。而且以曉其臣民衆庶也。古文有。今文無。虺。許偉反。說文作。奚仲。左傳。薛。宰曰。薛之皇祖奚仲。為夏車正。註。奚仲。為夏禹掌車服大夫。仲虺。奚仲之後也。相。去聲。先。先見反。後。胡茂反。曉。其臣民。誥。即告也。上下可通用。如石誥。洛誥。

多以下告上。亦名篇曰誥。此篇自佑賢輔德以下皆進戒之辭。故亦曰誥。不必

言曉其臣民也。

成湯放桀于南巢。惟有慙德。曰予恐來世以台為口實。

武功成。故曰成湯。南巢地名。廬江六縣有居巢城。桀奔于此。因以放之也。湯之伐桀。雖順天應人。然承堯舜禹授受之後。於心終有所不安。故愧其德之不古。若而又恐天下後世藉以為口實也。陳氏曰。堯舜以天下讓。後世好名之士。猶有不知而慕之者。湯武征伐。而得天下。後世嗜利之人。安得不以為口實哉。此湯之所以恐也。歟。

**釋音**

**傳**

籍慈夜反。

好去聲

仲虺乃作誥曰。嗚呼。惟天生民有欲。無主乃亂。惟天生聰明時。又有夏昏。德民墜塗炭。天乃錫王勇智。表正萬邦。績禹舊服。茲率厥典。奉若天命。

仲虺恐湯憂愧不已。乃作誥以解釋其意。歎息言民生有耳目口鼻愛惡之欲。無主則爭且亂矣。天生聰明。所以為之主。而治其爭亂者也。墜塗炭。陷也。塗泥炭火也。桀為民主。而反行昏亂。陷民於塗炭。既失其所以為主矣。然民不可以無主也。故天錫湯以勇智之德。勇足

夏王有罪。矯誣上天。以布命于下。帝

以有為智。足以有謀。非勇智則不能成天下之大業也。表正者。表正於此。而影直於彼也。天錫湯以勇智者。所以使其表正萬邦。而繼禹舊所服行也。此但率循其典常以奉順乎天而已。天者。典常之理。所自出。而典常者。禹之所服行者也。湯革夏而纘舊服。武革商而政由舊。孔子所謂百世可知者。正以是也。林氏曰。齊宣王問孟子曰。湯放桀。武王伐紂。有諸。孟子曰。賊仁者謂之賊。賊義者謂之殘。殘賊之人。謂之一夫。聞誅一夫。紂矣。未聞弑君也。夫立之君者。懼民之殘賊而無以主之。為之主。而自殘賊焉。則君之實喪矣。非一夫而何。孟子之言。則仲虺之意也。

釋音 纘 纘作 管反 傳 惡去聲 治平聲 夫立上音扶

用不臧。式商受命。用爽厥師。

矯與矯制之矯同。誣罔。臧。善。式。用。爽。明。師。衆也。天以形體言。帝以主宰言。桀知民心不從。矯詐。誣罔。託天以惑其衆。天用不善其所為。用使有商受命。用使昭明其衆庶也。○王氏曰。夏有昏德。則衆從而昏。商有明德。則衆從而明。○吳氏曰。用爽。厥師。纘下文簡賢附勢。意不相貫。疑有脫誤。

簡賢附勢。寔繁有徒。肇我邦于有夏。若苗之有莠。若粟之有秕。小大戰戰。罔不懼于非辜。矧予之德。言足聽聞。

簡畧繁多肇始也戰戰恐懼貌言簡賢附勢  
 之人同惡相濟寔多徒眾肇我邦於有夏為  
 桀所惡欲見翦除如苗之有莠如粟之有秕  
 鋤治簸揚有必不相容之勢商眾小大震恐  
 無不懼陷于非罪沉湯之德言則足人之聽  
 聞尤桀所忌疾者乎以苗粟喻桀以莠秕喻  
 湯特言其不容於桀而迹之危如此史記言  
 桀囚湯於夏臺湯之危屢矣無道而惡有道  
 勢之必釋音寔丞職反與實字異音同義莠  
 至也釋音以九反草似苗者秕卑履反音  
 與七同不成粟者足或云周禮大司徒註給  
 足陸氏云劉音子喻反故韻書子遇反下釋  
 云足其不足曰足然陸氏於諸經中但足恭  
 之足音將樹反而給足之足並無音又案詩  
 行露篇以屋獄足為韻則傳所惡去聲下同  
 但如本音矣姑記于此治平聲夏臺史

記索隱云獄名夏曰鈞臺  
 皇甫謐云地名在陽翟

惟王不邇聲色不殖貨利德懋懋官  
 功懋懋賞用人惟己改過不吝克寬

克仁彰信兆民

邇近殖聚也不近聲色不聚貨利若未足以  
 盡湯之德然此本原之地非純乎天德而無  
 一毫人欲之私者不能也本原澄澈然後用  
 人處己而莫不各得其當懋茂也繁多之意  
 與時乃功懋哉之義同言人之懋於德者則  
 懋之以官人之懋於功者則懋之以賞用人  
 惟己而人之有善者無不容改過不吝而已  
 之不善者無不改不忌能於人不吝過於己

合併為公。私意不立。非聖人其孰能之。湯之用人處己者如此。而於臨民之際。是以能寬能仁。謂之能者。寬而不失於縱。仁而不失於柔。易曰。寬以居之。仁以行之。君德也。君德昭著。而孚信於天下矣。湯釋音職反。處。上之德。是人聽聞者如此。釋音經。殖。丞。傳。近。巨。靳。聲。下同。當去聲。合音。閤。

乃葛伯仇餉。初征自葛。東征西夷怨。南征北狄怨。曰奚獨後予。攸徂之民。室家相慶。曰徯予。后。后來其蘇。民之戴商。厥惟舊哉。

葛。國名。伯。爵也。餉。饋也。仇。餉。與。餉。者。為。仇。也。葛。伯。不。祀。湯。使。問。之。曰。無。以。供。粢。盛。湯。使。亳。衆。往。耕。老。弱。饋。餉。葛。伯。殺。其。童。子。湯。遂。征。之。湯。征。自。葛。始。也。奚。何。徯。待。也。蘇。復。生。也。西。夷。北。狄。言。遠。者。如。此。則。近。者。可。知。也。湯。師。之。未。加。者。則。怨。望。其。來。曰。何。獨。後。予。其。所。往。伐。者。則。妻。孥。相。慶。曰。待。我。后。父。矣。后。來。我。其。復。生。乎。他。國。之。民。皆。以。湯。為。我。君。而。望。其。來。者。如。此。天。下。之。愛。戴。歸。往。於。商。者。非。一。日。矣。商。業。之。興。蓋。不。在。於。鳴。條。之。役。也。○。呂。氏。曰。夏。商。之。際。君。臣。易。位。天。下。之。大。變。然。觀。其。征。伐。之。時。唐。虞。都。兪。揖。遜。氣。象。依。然。若。存。蓋。堯。舜。禹。湯。以。道。相。傳。世。雖。釋音葛。居。曷。反。漢。志。葛。國。降。而。道。不。降。也。釋音在。陳。留。寧。陵。縣。葛。鄉。唐。隸。宋。州。東。距。南。亳。六。十。里。經。世。書。紀。年。云。湯。戊。寅。歲。征。葛。越。十。八。年。乙。未。伐。桀。傳



案音咨。盛時征反。復扶又反。

佑賢輔德。顯忠遂良。兼弱攻昧。取亂侮亡。推亡固存。邦乃其昌。

前既釋湯之慙。此下因以勸勉之也。諸侯之賢德者。佑之輔之。忠良者。顯之遂之。所以善善也。侮。說文曰傷也。諸侯之弱者兼之。昧者攻之。亂者取之。亡者傷之。所以惡惡也。言善則由大以及小。言惡則由小以及大。推亡者兼攻取侮也。固存者。佑輔顯遂也。推彼之所。以亡。固我之所以存。邦國乃其昌矣。

德日新。萬邦惟懷。志自滿。九族乃離。

王懋昭大德。建中于民。以義制事。以禮制心。垂裕後昆。予聞曰。能自得師者。王。謂人莫已若者。亡。好問則裕。自用則小。

德日新者。日新其德而不自已也。志自滿者。反是。湯之盤銘曰。苟日新。日日新。又日新。其廣日新之義歟。德日新。則萬邦雖廣而無不懷。志自滿。則九族雖親而亦離。萬邦舉遠。以見近也。九族舉親。以見疎也。王其勉明大德。立中道於天下。中者。天下之所同有也。然非君建之。則民不能以自中。而禮義者。所以建中者也。義者。心之裁制。禮者。理之節文。以義

制事則事得其宜。以禮制心。則心得其正。內外合德。而中道立矣。如此。則非特有以建中於民。而垂諸後世者。亦綽乎有餘裕矣。然。是道也。必學焉。而後至。故又舉古人之言。以為隆師好問。則德尊而業廣。自賢自用者。反是。謂之自得師者。真知己之不足。人之有餘。委心聽順。而無拂逆之謂也。孟子曰。湯之於伊尹。學焉。而後臣之。故不勞而王。其湯之所以自得者歟。仲虺言。懷諸侯之道。推而至於修德。檢身。又推而至於能自得師。夫自天子至于庶人。未有舍師而能成者。雖生知之聖。亦必有師焉。後世之不如古。非特世道之降。抑亦師道之不明也。仲虺之論。溯流而源。要其極。而歸諸能自得師之一語。其可為帝王之大法歟。

**釋音**

**細**

聲好去

**傳**

見形句反。下同。夫音

扶。舍音捨。要平聲

嗚呼。慎厥終。惟其始。殖有禮。覆昏暴。欽崇天道。永保天命。

上文既勸勉之。於是歎息言謹其終之道。惟於其始圖之。始之不謹。而能謹終者。未之有也。伊尹亦言。謹終于始。事雖不同。而理則一也。欽崇者。敬畏尊奉之意。有禮者。封殖之昏暴者。覆亡之天之道也。欽崇乎天道。則永保其天命矣。按仲虺之誥。其大意有三。先言天立君之意。樂逆天命。而天之命。湯者不可辭。次言湯德足以得民。而民之歸湯者。非一日。末言為君艱難之道。人心離合之機。天道福善禍淫之可畏。以明今之受夏。非以利己。乃有無窮之恤。以深慰湯而釋其慙。仲虺之忠愛。可謂至矣。然湯之所慙。恐來世以為口實。

者仲虺終不敢謂無也。君臣之分其可畏如此哉。

**釋音** 傳 問反 扶

### 湯誥

湯伐夏歸亳諸侯率職來朝。湯作誥以與天下更始。今文無古文有。

**釋音** 傳

朝馳遙反。更平聲。

王歸自克夏至于亳。誕告萬方。

誕大也。亳湯所都。在宋州穀熟縣。

王曰。嗟爾萬方有衆。明聽予一人誥。

惟皇上帝降衷于下民。若有恒性。克

### 綏厥猷惟后

皇大衷中。若順也。天之降命而具仁義禮智信之理。無所偏倚。所謂衷也。人之稟命而得仁義禮智信之理。與心俱生。所謂性也。猷道也。由其理之自然而有仁義禮智信之行。所謂道也。以降衷而言。則無有偏倚。順其自然。固有常性矣。以稟受而言。則不無清濁純雜之異。故曰。克綏厥猷。惟后。夫天生民。有欲。以情言也。上帝降衷于下民。以性言也。仲虺即情以言人之欲。成湯原性以明人之善。聖賢之論。互相發明。然其意則皆言君道之係於天下者。如此之重也。

**傳** 行胡孟反。夫音扶。

**釋音** 經 恒。胡登反。

夏王滅德作威。以敷虐于爾萬方百姓。爾萬方百姓。罹其凶害。弗忍荼毒。並告無辜于上下神祇。天道福善禍淫。降災于夏。以彰厥罪。

言桀無有仁愛。但為殺戮。天下被其凶害。如荼之苦。如螫之毒。不可堪忍。稱冤於天地。鬼神以冀其拯已。屈原曰。人窮則反本。故勞苦倦極。未嘗不呼天也。天之道。善者福之。淫者禍之。桀既淫虐。故天降災。以明其罪。意當時必有災異之事。如周語所謂伊洛竭而夏亡。

**釋音**

**經**

音徒祇音祗

**傳**

去聲伊洛竭而夏亡

韋昭云禹都陽城伊洛所近也

肆台小子。將天命。明威不敢赦。敢用玄牡。敢昭告于上天神后。請罪有夏。聿求元聖。與之戮力。以與爾有眾。請命。

肆。故也。故我小子奉將天命。明威不敢赦。桀之罪也。玄牡。夏尚黑。未變其禮也。神后。后土也。聿。遂也。元。聖。伊尹也。

**釋音**

**經**

陸又音力彫反說文力周

反并力也

上天孚佑下民。罪人黜伏。天命弗僭。賁若草木。兆民允殖。

孚。允。皆信也。僭。差也。賁。文之著也。殖。生也。上天信佑下民。故夏桀竄亡而屈服。天命無所僭差。燦然若草木之敷。釋音。賁。彼。義。反。傳。差。初。榮。兆。民。信。乎。其。生。殖。矣。釋音。義。反。傳。加。反。

俾予一人輯寧爾邦家。茲朕未知獲

戾于上下。慄慄危懼。若將隕于深淵。

輯。和。戾。罪。隕。墜也。天使我輯寧爾邦家。其付予之重。恐不足以當之。未知已得罪於天地與否。驚恐憂畏。若將墜於深淵。蓋責愈重。則憂愈大也。釋音。傳。與。子。音。

凡我造邦。無從匪彝。無即怙淫。各守爾典。以承天休。

夏命已黜。湯命維新。侯邦雖舊。悉與更始。故曰造邦。彝。法。即。就。怙。慢也。匪。彝。指法度言。淫。指逸樂言。典。常也。各守其典。常之道。以承天之休命也。釋音。傳。造。在。早。反。怙。他。刀。反。

**傳** 更。平聲。樂。音。洛。

爾有善。朕弗敢赦。罪當朕躬。弗敢自赦。惟簡在上帝之心。其爾萬方有罪。在予一人。予一人有罪。無以爾萬方

簡閱也。人有善不敢以不達。已有罪不敢以自恕。簡閱一聽於天。然天以天下付之我。則民之有罪實君所為。君之有罪非民所致。非特聖人厚於責己而薄於責人。是乃理之所在。君道當然也。  
**釋音** 傳 自恕。朱子大學或問云。恕字可自赦。似亦未的。

嗚呼尚克時忱乃亦有終

忱信也。歎息言庶幾能於是而忱信焉。  
**釋音** 經 乃亦有終也。吳氏曰。此兼人已而言。

忱時  
壬反

伊訓

訓導也。太甲嗣位。伊尹作書訓導之。史錄為篇。今文無。古文有。

惟元祀十有二月乙丑伊尹祠于先王。奉嗣王祗見厥祖。侯甸群后咸在。百官總己以聽冢宰。伊尹乃明言烈祖之成德以訓于王。

夏曰歲。商曰祀。周曰年。一也。元祀者。太甲即位之元年。十二月者。商以建丑為正。故以十月二月為正也。乙丑日也。不繫以朔者。非朔日也。三代雖正朔不同。然皆以寅月起數。蓋朝覲會同。頒曆授時。則以正朔行事。至於紀月之數。則皆以寅為首也。伊。姓。尹。字也。伊尹名。

摯祠者。告祭於廟也。先王湯也。冢長也。禮有  
 冢子冢婦之名。周人亦謂之冢宰。古者王宅  
 憂禘祭則冢宰攝而告廟。又攝而臨羣臣。太  
 甲服仲壬之喪。伊尹祠于先王。奉太甲以即  
 位。改元之事。祇見厥祖。則攝而告廟也。侯服  
 甸服之羣后。咸在百官。總已之職。以聽冢宰。  
 則攝而臨羣臣也。烈功也。商頌曰。衍我烈祖。  
 太甲即位。改元。伊尹於祠。告先王之際。明言  
 湯之成德。以訓太甲。此史官叙事之始辭也。  
 或曰。孔氏言湯崩。踰月太甲即位。則十二  
 月者。湯崩之年。建子之月也。豈改正朔而不  
 改月數乎。曰。此孔氏惑於序書之文也。太甲  
 繼仲壬之後。服仲壬之喪。而孔氏曰。湯崩奠  
 殯。而告固已誤矣。至於改正朔而不改月數。  
 則於經史尤可攷。周建子矣。而詩言四月維  
 夏。六月徂暑。則寅月起數。周末嘗改也。秦建

亥矣。而史記始皇三十一年十二月。更名臘  
 曰嘉平。夫臘必建丑月也。秦以亥正。則臘為  
 三月。云十二月者。則寅月起數。秦未嘗改也。  
 至三十七年。書十月癸丑。始皇出游。十一月  
 行至雲夢。繼書七月丙寅。始皇崩。九月葬鄜  
 山。先書十月十一月。而繼書七月九月者。知  
 其以十月為正朔。而寅月起數。未嘗改也。且  
 秦史制書。謂改年始朝賀。皆自十月朔。夫秦  
 繼周者也。若改月數。則周之十月為建酉月  
 矣。安在其為建亥乎。漢初史氏所書舊例也。  
 漢仍秦正。亦書曰元年冬十月。則正朔改而  
 月數不改。亦已明矣。且經曰元祀十有二月  
 乙丑。則以十二月為正朔。而改元何疑乎。惟  
 其以正朔行事也。故後乎此者。復政厥辟。亦  
 以十二月朔奉嗣王歸于亳。蓋祠告復政。皆  
 重事也。故皆以正朔行之。孔氏不得其說。而

意湯崩踰月太甲即位奠殯而告是以崩年  
改元矣蘇氏曰崩年改元亂世事也不容在  
伊尹而有之不可以不辨又按孔氏以為湯  
崩吳氏曰殯有朝夕之奠何為而致祠主喪  
者不離於殯側何待於祗見蓋太甲之為嗣  
王嗣仲壬而王也太甲太丁之子仲壬其叔  
父也嗣叔父而王而為之服三年之喪為之  
後者為之子也太甲既位於仲壬之柩前  
方居憂於仲壬之殯側伊尹乃至商之祖廟  
徧祠商之先王而以立太甲告之不言太甲  
祠而言伊尹喪三年不祭也奉太甲徧見商  
之先王而獨言祗見厥祖者雖徧見先王而  
尤致意於湯也亦猶周公金縢之冊雖徧告  
三王而獨眷眷於文王也湯既已祔于廟則  
是此書初不廢外丙仲壬之事但此書本為  
伊尹稱湯以訓太甲故不及外丙仲壬之事

爾餘見釋音經見形向反侯向羣后此言侯向  
書序釋音經則是禹貢五服之制至是已改  
為九傳繫音計寅延知反音與夷同又夷真  
服矣傳反說見堯典篇數雙遇反下同朝馳  
遙反下同正朔正謂子丑寅月也朔月一日  
也日月相合故曰合朔史記歷書註云以建  
子為正故以夜半為朔若建寅為正則以平  
旦為朔是三代改正亦改朔也今案日月之  
合遲速有定期朔豈可改必會朝發命用此  
時而已尹字東齋陳氏云三代而上未聞有  
以字傳者且其自稱曰尹躬則非字明矣孔  
疏據孫子及呂覽云名摯或自有兩名或更  
名耳長上聲喪平聲下並同衍空早反更平  
聲夫音扶下同酈音驪離去聲而為去聲下  
本為



曰。嗚呼。古有夏先后。方懋厥德。罔有天災。山川鬼神亦莫不寧。暨鳥獸魚鱉咸若。于其子孫弗率。皇天降災。假手于我有命。造攻自鳴條。朕哉自亳。

詩曰。殷監不遠。在夏后之世。商之所宜監者。莫近於夏。故首以夏事告之也。率。循。假。借也。有命。有天命者。謂湯也。桀不率循先王之道。故天降災。借手于我。成湯以誅之。夏之先后。方其懋德。則天之眷命如此。及其子孫弗率。而覆亡之禍。又如此。太甲不知率循成湯之德。則夏桀覆亡之禍。亦可監矣。哉。始也。鳴條。夏所宅也。亳。湯所宅也。言造可攻之釁者。由

桀積惡於鳴條。而湯德之修。則始於亳都也。釋音。經。哉。如。傳。監。音。

惟我商王。布昭聖武。代虐以寬。兆民

允懷。

布。昭。敷。著也。聖。武。猶。易。所。謂。神。武。而。不。殺。者。湯。之。德。威。敷。著。于。天。下。代。桀。之。虐。以。吾。之。寬。故。天。下。之。民。信。而。懷。之。也。

今王嗣厥德。罔不在初。立愛惟親。立

敬惟長。始于家邦。終於四海。

初。即。位。之。初。言。始。不。可。以。不。謹。也。謹。始。之。道。孝。悌。而。已。孝。悌。者。人。心。之。所。同。非。必。人。人。教。

詔之。立。植也。立。愛敬於此。而形愛敬於彼。親于親。以及人之親。長吾長。以及人之長。始。于家。達于國。終而措之天下矣。孔子曰。立愛自親始。教民睦也。立敬自長始。教民順也。

嗚呼。先王肇修人紀。從諫弗咈。先民時若。居上克明。為下克忠。與人不求備。檢身若不及。以至于有萬邦。茲惟

艱哉。

人紀。三綱五常。孝敬之實也。上文欲太甲立其愛敬。故此言成湯之所修人紀者。如下文所云也。綱常之理。未嘗泯沒。桀廢棄之。而湯始修復之也。咈。逆也。先民。猶前輩舊德也。從

諫不逆。先民是順。非誠於樂善者不能也。居上克明。言能盡臨下之道。為下克忠。言能盡事上之心。呂氏曰。湯之克忠。最為難看。湯放桀。以臣易君。豈可為忠。不知湯之心。最忠者也。天命未去。人心未離。事桀之心。曷嘗斯須替哉。與人之善。不求其備。檢身之誠。有若不及其處。上下人己之間。又如此。是以德日以盛。業日以廣。天命歸之。人心戴之。由七十里而至于有萬邦也。積累之勤。茲亦難矣。伊尹前既言。夏失天下之易。此又言。湯得天下之難。太甲可不思所以繼之哉。

釋音 樂音洛 臣易夷 益反 處上聲

敷求哲人。俾輔于爾後嗣。

敷。廣也。廣求賢哲。使輔爾後嗣也。

制官刑傲于有位。曰敢有恒舞于宮，  
酣歌于室，時謂巫風。敢有殉于貨色，  
恒于遊畋，時謂淫風。敢有侮聖言，逆  
忠直，遠耆德，比頑童，時謂亂風。惟茲  
三風十愆，卿士有一于身，家必喪，邦  
君有一於身，國必亡。臣下不匡，其刑  
墨。具訓于蒙士。

官刑。官府之刑也。巫風者常歌常舞若巫覡然也。淫過也。過而無度也。比昵也。倒置悖理。

曰亂。好人之所惡，惡人之所好也。風風化也。三風十愆之綱也。十愆風之目也。卿士諸侯十有其一。已喪其家亡其國矣。墨墨刑也。臣下而不能匡正其君，則以墨刑加之。具詳悉也。童蒙始學之士，則詳悉以是訓之。欲其入官而知所以正諫也。異時太甲欲敗度，縱敗禮。伊尹先見其微，故拳拳及此。劉侍講曰：墨即叔向所謂復書昏墨賊殺。臯陶之刑，貪以敗官為墨。  
**釋音** 恒，胡登反。下同。殉，松潤反。遠，于願反。耆，渠伊反。按說文耆從老，從旨。則下當從日。但此章及文侯之命詩耆而艾，禮記者指使者老。周禮伊耆氏之類。古註本皆從目。唐張參五經文字云：下。  
**傳** 覲，形狄反。從目者非。比，毗至反。喪，去聲。男曰覲，女曰巫。倒，刀號反。好，惡並去聲。墨，左傳云：昏墨賊殺，謂有此昏墨賊三者之罪，則皆當殺。是

墨者罪之名也。此云其刑墨，是指五刑之墨。乃刑之名也。劉說非是。叔向許亮反音與享同。晉大夫事見左傳。昭公十四年。

嗚呼。嗣王祗厥身。念哉。聖謨洋洋。嘉言孔彰。惟上帝不常。作善降之百祥。作不善降之百殃。爾惟德罔小。萬邦惟慶。爾惟不德。罔大。墜厥宗。

歎息言太甲當以三風十愆之訓敬之於身。念而勿忘也。謨謂其謀言。謂其訓。洋洋大孔。甚也。言其謀訓大明。不可忽也。不常者。去就無定也。為善則降之百祥。為惡則降之百殃。各

以類應也。勿以小善而不為。萬邦之慶。積於小。勿以小惡而為之。厥宗之墜。不在大。蓋善必積。而後成。惡雖小而可懼。此總結上文。而又以天命人事禍福申戒之也。

### 太甲上

商史錄伊尹告戒節次。及太甲往復之辭。故三篇相屬成文。其間或附史臣之語。以貫篇意。若史家紀傳之所載也。唐孔氏曰。伊訓肆命。祖后太甲。咸有一德。皆是告戒太甲。不可皆名伊訓。故隨事立稱也。林氏曰。此篇亦訓體。今文無古

文釋音傳屬音燭傳柱戀反稱平聲

惟嗣王不惠于阿衡

惠順也。阿倚，衡平也。阿，衡商之官名。言天下之所倚平也。亦曰保衡。或曰：伊尹之號。史氏錄伊尹之書。釋音阿，於。傳阿倚，孔疏云：古人先此以發之。釋音何反。讀阿倚同音。故阿也。為倚也。

伊尹作書曰：先王顧諟天之明命，以承上下神祇。社稷宗廟，罔不祗肅。天監厥德，用集大命。撫綏萬方，惟尹躬克左右厥辟，宅師肆嗣。王丕承基緒。

顧常目在之也。諟，古是字。明命者，上天顯然之理而命之我者。在天為明命，在人為明德。

伊尹言成湯常目在是天之明命，以奉天地神祇。社稷宗廟，無不敬肅。故天視其德，用集大命。以有天下。撫安萬邦。我又身能左右成湯，以居民衆。故嗣王得以大承其基業也。

釋音益反。音與璧同。下章並同。

惟尹躬先見于西邑。夏自周有終，相亦惟終。其後嗣王罔克有終，相亦罔終。嗣王戒哉，祗爾厥辟。辟不辟，忝厥祖。

夏都安邑在亳之西。故曰西邑。夏周忠信也。國語曰：忠信為周。施氏曰：作偽心勞日拙。則

缺露而不周。忠信則無偽。故能周而無缺。夏  
之先王以忠信有終。故其輔相者亦能有終。  
其後夏桀不能。有終。故其輔相者亦不能。有  
終。嗣王其以夏桀為戒。當敬爾所以為君。  
之道。君而不君。則忝辱成湯矣。太甲之意。必  
謂伊尹足以任天下之重。我雖縱欲。未必遽  
至危亡。故伊尹以相。亦罔終之。言深折其私。而破其所恃也。  
周朱子語錄云。二字不可曉。或云。周當  
作君。篆文相似。而誤也。相去聲。下同。

### 王惟庸罔念聞

庸常也。太甲惟若尋常。於伊尹。庸常之言。無所念聽。此史氏之言。六字只作一句讀。庸如王庸作書之庸為是。

伊尹乃言曰。先王昧爽。丕顯。坐以待旦。旁求俊彥。啓迪後人。無越厥命。以

### 自覆

昧。晦。爽。明也。昧。爽。云者。欲明未明之時也。丕。大也。顯。亦明也。先王於昧爽之時。洗濯澡雪。大明其德。坐以待旦。而行之也。旁求者。求之非一方也。彥。美士也。言湯孜孜為善。不遑寧處。如此。而又旁求俊彥之士。以開導子孫。太甲毋顛越其命。以自取覆亡也。

澡。子皓反。

慎乃儉德。惟懷永圖。

太甲欲敗度。縱敗禮。蓋奢侈失之。而無長遠之慮者。伊尹言當謹其儉約之德。惟懷永久之謀。以約失之者。鮮矣。此太甲受病之處。故伊尹特言之。  
釋音 鮮。上聲。

若虞機張。往省括于度。則釋。欽厥止。率乃祖攸行。惟朕以懌。萬世有辭。

虞。虞人也。機。弩牙也。括。矢括也。度。法度。射者之所準望者也。釋。發也。言若虞人之射。弩機既張。必往察其括之合於法度。然後發之。則發無不中矣。欽者。肅恭收斂止。見虞書。率。循也。欽厥止者。所以立本。率乃祖者。所以致用。所謂省括于度。則釋也。王能如是。則動無過舉。近可以慰悅尹心。遠可以有譽於後世矣。安汝止者。聖君之事。生而知者也。欽厥止者。

賢君之事。學而知者也。

釋音 經

省。息井反。括。古活反。

傳

矢括。孔疏云。矢末也。說文。

云。矢括築弦處。新安程泰之云。矢之尾末岐而銜弦處也。中去聲。

王未克變

不能變其舊習也。此亦史氏之言。

伊尹曰。茲乃不義。習與性成。予弗狎于弗順。營于桐宮。密邇先王其訓。無俾世迷。

狎。習也。弗順者。不順義理之人也。桐。成湯墓陵之地。伊尹指太甲所為。乃不義之事。習。惡。

而性成者也。我不可使其狎習不順義理之人。於是營宮于桐。使親近成湯之墓。朝夕哀思。興起其善。以是訓之。無使終身迷惑而不悟也。

### 王徂桐宮居夏克終允德

徂往。允信也。有諸己之謂信。實有其德於身也。凡人之不善。必有從史以導其為非者。太甲桐宮之居。伊尹既使其密邇先王陵墓。以興發其善心。又絕其比昵之黨。而革其汙染。此其所以克終允德也。次篇伊尹言嗣王克終厥德。又曰允德協于下。故史氏言克終允德。結此篇以釋音傳也。從史。上子勇反。下音勇。勸發次篇之義。也。字書作慇懃。比。毗至反。昵。泥質反。汚。音烏。

### 太甲中

惟三祀十有二月朔。伊尹以冕服奉嗣王歸于亳。

太甲終喪。明年之正朔也。冕冠也。唐孔氏曰。周禮天子六冕。備物盡文。惟衮冕耳。此蓋衮冕之服。義或然也。奉迎也。喪既除。以衮冕吉服奉迎以歸也。

作書曰。民非后罔克胥匡以生。后非民罔以辟四方。皇天眷佑有商。俾嗣王克終厥德。實萬世無疆之休。



民非君則不能相正以生君非民則誰與為君者言民固不可無君而君尤不可失民也  
太甲改過之初伊尹首發此義其喜懼之意深矣夫太甲不義有若性成一旦翻然改悟是豈人力所至蓋天命眷商陰誘其衷故嗣王能終其德也向也湯緒幾墜今其自是有永豈不為萬世釋音益反傳夫音無疆之休乎

王拜手稽首曰予小子不明于德自底不類欲敗度縱敗禮以速戾于厥躬天作孽猶可違自作孽不可逭既往背師保之訓弗克于厥初尚賴匡

### 救之德圖惟厥終

拜手音至手也稽首音至地也太甲致敬於師保其禮如此不類猶不肖也多欲則興作而亂法度縱肆則放蕩而墮禮儀度就事言之也禮就身言之也速召之急也戾罪孽災道逃也既往始庶幾正救之力以圖惟其終不能謹之于始庶幾正救之力以圖惟其終也當太甲不惠阿衡之時伊尹之言惟恐太甲不聽及太甲改過之後太甲之心惟恐伊尹不言夫太甲固困而知之者然昔之迷今之復昔之晦今之明如日月昏蝕一復其舊而光采炫耀萬景俱新湯武釋音敗比邁反不可及已豈居成王之新湯武釋音下同孽魚列反字本作夔夔古通傳夫音扶炫傳用逭胡玩反背音佩傳熒絹反

書傳卷之三

三

伊尹拜手稽首曰。修厥身。允德協于下。惟明后。

伊尹致敬以復太甲也。修身則無敗度。敗禮之事。允德則有誠身誠意之實。德誠於上。協和於下。惟明后。然也。

先王子惠困窮。民服厥命。罔有不悅。並其有邦。厥鄰乃曰。後我后。后來無

罰。

此言湯德所以協下者。困窮之民。若己子而惠愛之。惠之若子。則心之愛者誠矣。未有誠

而不動者也。故民服其命。無有不得其權心。當時諸侯並湯而有國者。其鄰國之民。乃以湯為我君。曰待我君。我君來其無罰乎。言除其邪虐。湯之得民心也如此。即仲虺后來其蘇之事。

王懋心乃德。視乃烈祖。無時豫怠。

湯之盤銘曰。苟日新。日日新。又日新。湯之所懋其德者如此。太甲亦當勉於其德。視烈祖之所為。不可頃刻而逸豫怠惰也。

奉先思孝。接下思恭。視遠惟明。聽德惟聰。朕承王之休無斁。

思孝則不敢違其祖。思恭則不敢忽其臣。惟亦思也。思明則所視者遠而不蔽於淺近。思聰則所聽者德而不惑於憚邪。此懋德之所從事者。太甲能是則我承王之美而無所厭也。 斲音釋音 斲音傳 廉反

### 太甲下

伊尹申誥于王曰。嗚呼。惟天無親。克敬惟親。民罔常懷。懷于有仁。鬼神無常享。享于克誠。天位艱哉。

申誥重誥也。天之所親。民之所懷。鬼神之所享。皆不常也。惟克敬。有仁。克誠。而後天親之。

民懷之。鬼神享之也。曰敬。曰仁。曰誠者。各因所主而言。天謂之敬者。天者理之所在。動靜語默不可有一毫之慢。民謂之仁者。民非元后何戴。鰥寡孤獨皆人君所當恤。鬼神謂之誠者。不誠無物。誠立於此。而後神格於彼。三者所當盡如此。人君居天之位。其可易而為之哉。分而言之則三。合而言之。一德而已。太甲遷善。未幾而伊尹以是告之。其才固有太過人者歟。 釋音 傳 重。儲用反。易。以。豉反。幾。居。稀反。

德惟治。否德亂。與治同道。罔不興。與亂同事。罔不亡。終始慎厥與。惟明明后。

德者合敬仁誠之稱也。有是德則治。無是德則亂。治固古人有行之者矣。亂亦古人有行之者也。與古之治者同道則無不興。與古之亂者同事則無不亡。治而謂之道者蓋治因時制宜。或損或益。事未必同而道則同也。亂而謂之事者亡國喪家。不過貨色遊畋。作威殺戮等事。事同道無不同也。治亂之分。顧所與如何耳。始而與治固可以興。終而與亂則亡亦至矣。謹其所與。終始如一。惟明明之君為然也。上篇言惟明后。此篇言惟明明后。蓋明其所已明。而釋音治去聲。下同。進乎前者矣。釋音否。俯久反。

先王惟時懋敬厥德。克配上帝。今王嗣有令緒。尚監茲哉。

敬即克敬。惟親之敬。舉其一以包其二也。成湯勉敬其德。德與天合。故克配上帝。今王嗣有令緒。庶幾釋音令去聲。其監視此也。釋音監音監。

若升高必自下。若陟遐必自邇。

此告以進德之序也。中庸論君子之道。亦謂譬如行遠。必自邇。譬如登高。必自卑。進德修業之喻。未有如此之切者。呂氏曰。自此乃伊尹畫一以告太甲也。

無輕民事。惟難。無安厥位。惟危。

無。毋通。毋輕民事而思其難。毋安君位而思其危。

慎終于始。

人情孰不欲善終者特安於縱欲以為今日姑若是而他日固改之也然始而不善而能善其終者寡矣桐宮之事往已今其即政臨民亦事之一初也

有言逆于汝心必求諸道有言遜于

汝志必求諸非道

鯁直之言人所難受巽順之言人所易從於其所難受者必求諸道不可遽以逆于心而拒之於其所易從者必求諸非道不可遽以遜于志而聽之以上五事蓋欲太甲矯乎情之偏也

**釋音**  
**傳**  
鯁古杏反

嗚呼弗慮胡獲弗為胡成一元元良

萬邦以貞

胡何也弗慮何得欲其謹思之也弗為何成欲其篤行之也元大良善貞正也一人者萬邦之儀表一人元良則萬邦以正矣

君罔以辯言亂舊政臣罔以寵利居

成功邦其永孚于休

弗思弗為安於縱弛先王之法廢矣能思能為作其聰明先王之法亂矣亂之為害甚於廢也成功非寵利之所可居者至是太甲德已進伊尹有退休之志矣此咸有一德之所也繼作也君臣各盡其道邦國永信其休美也○吳氏曰上篇稱嗣王不惠于阿衡必其

言有與伊尹背違者辯言亂政或太甲所失在此罔以寵利居成功己之所自處者已素定矣下語既非泛論則

### 咸有一德

伊尹致仕而去恐太甲德不純一及任用非人故作此篇亦訓體也史氏取其篇中咸有一德四字以為篇目今文無古文有

伊尹既復政厥辟將告歸乃陳戒于德

伊尹已還政太甲將告老而歸私邑以一德陳戒其君此史氏本序

曰嗚呼天難謀命靡常常厥德保厥位厥德靡常九有以亡

謀信也天之難信以其命之不常也然天命雖不常而常於有德者君德有常則天命亦常而保厥位矣君德不常則天命亦不常而九有以亡矣九有九州也

反壬

夏王弗克庸德慢神虐民皇天弗保監于萬方啓迪有命眷求一德俾作神主惟尹躬暨湯咸有一德克享天

心受天明命。以有九有之師。爰革。爰正。

上文言天命無常。惟有德則可常。於是引桀之所以失天命。湯之所以得天命者證之。一德也。純一之德。不雜不息之義。即上文所謂常德也。神主百神之主。享當也。湯之君臣皆有一德。故能上當天心。受天明命。而有天下。於是改夏建寅之正。而為建丑正也。

非天私我。我有商。惟天佑于一德。非商求于下民。惟民歸于一德。

上言一德。故得天得民。此言天佑民歸。皆以一德之故。蓋反復言之。

德惟一。動罔不吉。德二三。動罔不凶。惟吉凶不僭在人。惟天降災祥在德。

二三則雜矣。德之純。則無往而不吉。德而雜。則無往而不凶。僭。差也。惟吉凶不差在人者。惟天之降災祥在德故也。

今嗣王新服厥命。惟新厥德。終始惟一。時乃日新。

太甲新服天子之命。德亦當新。然新德之要在於有常而已。終始有常而無間斷。是乃所以日新也。

音傳。徒玩反。

任官惟賢才。左右惟其人。臣為上為德。為下為民。其難其慎。惟和惟一。

賢者有德之稱。才者能也。左右者輔弼大臣。非賢才之稱。可盡。故曰惟其人。夫人臣之職。為上為德。左右厥辟也。為下為民。所以宅師也。不曰君而曰德者。兼君道而言也。臣職所係。其重如此。是必其難其慎。難者難於任用。慎者慎於聽察。所以防小人也。惟和惟一。和者。可。否。相濟。一者。終始。如。一。所以任君子也。  
**釋音** 任。如。鳩。反。左。右。九。反。音。與。有。同。與。左。右。厥。辟。不。同。音。為。並。去。聲。陸。氏。音。為。上。為。民。之。為。去。聲。為。德。為。下。之。為。平。聲。蔡。傳。無。明。文。朱。夫。音。扶。左。右。厥。辟。子。語。錄。云。並。當。作。去。聲。  
**傳** 左。音。佐。右。音。佑。

德無常師。主善為師。善無常主。協于

克一。

上文言用人。因推取人為善之要。無常者。不可執一之謂。師法。協。合也。德者。善之總稱。善者。德之實行。一者。其本原。統會者也。德兼眾善。不主於善。則無以得一本萬殊之理。善原於一。不協于一。則無以達萬殊一本之妙。謂之克一者。能一之謂也。博而求之。於不一之善。約而會之。於至一之理。此聖學始終條理之序。與夫子所謂一貫者。幾矣。太甲至是而得與聞焉。亦異乎常人之改過者歟。張  
**釋音** 傳。氏。曰。虞。書。精。一。數。語。之。外。惟。此。為。精。密。  
**釋音** 傳。行。胡。孟。反。幾。音。機。與。去。聲。



俾萬姓咸曰大哉王言又曰一哉王心克綏先王之祿永底烝民之生

人君惟其心之一故其發諸言也大萬姓見其言之太故能知其心之一感應之理自然而然以見人心之不可欺而誠之不可掩也祿者先王所守之天祿也烝衆也天祿安民生厚一德之效驗也

**釋音**

**傳**

以見形

嗚呼七世之廟可以觀德萬夫之長可以觀政

天子七廟三昭三穆與太祖之廟七世廟親盡則遷必有德之主則不祧毀故曰七世之

廟可以觀德天子居萬民之上必政教有以深服乎人而後萬民悅服故曰萬夫之長可以觀政伊尹歎息言德政修否見於後世服乎當時有不可掩者如此

**釋音**

**傳**

昭如字音韶非避晉諱改也

**釋音**

**經**

上長

后非民罔使民非后罔事無自廣以狹人匹夫匹婦不獲自盡民主罔與成厥功

罔使罔事即上篇民非后罔克胥匡以生后非民罔以辟四方之意申言君民之相須者如此欲太甲不敢忽也無毋同伊尹又言君民之使事雖有貴賤不同至於取人爲善則

初無貴賤之間。蓋天以一理賦之於人。散為萬善。人君合天下之萬善。而後理之一者。可全也。苟自大而狹人。匹夫匹婦。有一不得自盡於上。則一善不備。而民主亦無與成厥功矣。伊尹於篇終。致其警戒之意。而言外之旨。則又推廣其所謂一者如此。蓋道體之純全。聖功之極致也。嘗因是言之。以為精粹無雜者。一也。終始無間者。一也。該括萬善者。一也。一者。通古今。達上下。萬化之原。萬事之幹。語其理。則無二。語其運。則無息。語其體。則并包而無所遺也。咸有一德之書。而三者之義。悉備。前乎伏羲堯舜禹湯。後乎文武周公孔子。同揆也。 **釋音** 盡子忍反。 **傳** 間去聲。下揆也。 **釋音** 又在忍反。 **傳** 同。并平聲。

### 般庚上

盤庚。陽甲之弟。自祖乙都耿。圮於河水。盤庚欲遷于殷。而大家世族安土重遷。胥動浮言。小民雖蕩折離居。亦惑於利害。不適有居。盤庚喻以遷都之利。不遷之害。上中二篇。未遷時言。下篇既遷後言。王氏曰。上篇告羣臣。中篇告庶民。下篇告百官族姓。左傳謂盤庚之誥。實誥體也。三篇今文古文皆有。但今文三篇合為一。 **釋音** 盤陸云本。 **傳** 陽甲。湯八世孫。又作般。 **傳** 祖乙之子。自盤庚。又傳八王。至武乙。復遷河北。朱子云。商盤周誥。不可解。今蔡傳於盤誥諸篇。闕疑處甚少。恐非朱子本意。讀者於其強通處。畧之可也。

## 盤庚遷于殷。民不適有居。率籲眾。咸

出矢言

殷在河南偃師。適往。籲呼。矢誓也。史臣言盤  
庚欲遷于殷。民不肯往。適有居。盤庚率呼衆  
憂之人。出誓言以喻之。如下文所云也。周氏  
曰。商人稱殷。自盤庚始。自此以前。惟稱商。自  
盤庚遷都之後。於是殷。  
商兼稱。或只稱殷也。

釋音 籲音 呼去聲 下同

曰。我王來。既爰宅于茲。重我民。無盡  
劉。不能胥匡以生。卜稽曰。其如台。

曰。盤庚之言也。劉。殺也。盤庚言我先王祖乙  
來都于耿。固重我民之生。非欲盡致之死也。  
民適不幸。蕩析離居。不能相救。以生稽之於  
卜。亦曰。此地無若我何。言耿不可居。決當遷

也 釋音 盡子 忍反

先王有服。恪謹天命。茲猶不常寧。不  
常厥邑。于今五邦。今不承于古。罔知  
天之斷命。矧曰其克從先王之烈。

服事也。先王有事。恪謹天命。不敢違越。先王  
猶不敢常安。不常其邑。于今五遷。厥邦矣。今  
不承先王而遷。且不知上天之斷絕我命。況  
謂其能從先王之大烈乎。詳此言。則先王遷  
徙。亦必有稽卜之事。仲丁。河宣甲篇。逸不可  
攷矣。五邦。漢孔氏謂湯遷亳。仲丁遷囂。河宣  
甲居相。祖乙居耿。并盤庚遷殷。為五邦。然以  
下文。今不承于古文。勢攷之。則盤庚之前。當

自有五遷史記言祖乙  
遷邢或祖乙兩遷也  
釋音 恪克各反 傳 多

早反 鷺牛刀  
反相去聲

若顛木之有由藥天其永我命于茲

新邑紹復先王之大業底綏四方

顛什也由古文作粵禾生條也顛木譬耿由  
藥譬殷也言今自耿遷殷若已什之木而復

生也天其將永我國家之命於殷以  
繼復先王之業而致安四方乎 釋音 藥

葛反又魚列反字 傳 粵說文引書云若顛木  
本作櫛又作拑 之有粵拑字從万象枝

條之形謂已倒之木更  
生孫枝也而復扶又反

盤庚敷于民由乃在位以常舊服正

法度曰無或敢伏小人之攸箴王命

衆悉至于庭

敷教服事箴規也耿地渴鹵墊隘而有沃饒  
之利故小民苦於蕩析離居而巨室則總于

貨實惟不利於小民而利於巨室故巨室不  
悅而胥動浮言小民眩於利害亦相與咨怨

間有能審利害之實而欲遷者則又往往為  
在位者之所排擊阻難不能自達於上盤庚

知其然故其教民必自在位始而其所以教  
在位者亦非作為一切之法以整齊之惟舉

先王舊常遷都之事以正其法度而已然所  
以正法度者亦非有他焉惟曰使在位之臣

無或敢伏小人之所箴規焉耳。蓋小民患渴  
 鹵塾隘。有欲遷而以言箴規其上者。汝毋得  
 過絕而使不得自達也。衆者臣民咸在也。  
 史氏將述下文盤庚之訓語。故先發此。  
 經教反。胡傳。間去聲。難如字。又去聲。切。千結反。  
 漢平帝紀。註一切者。權時之事。如以刀切  
 物。苟取齊整。不顧長短。縱橫也。又七計反。

王若曰。格汝衆。予告汝訓。汝猷黜乃  
 心。無傲從康。

若曰者。非盡當時之言。大意若此也。汝猷黜  
 乃心者。謀去汝之私心也。無與母同。毋得傲  
 上之命。從己之安。蓋傲上則不肯遷。從康則  
 不能遷。二者所當黜之私心也。此雖盤庚對

衆之辭。實爲群臣而發。  
 以敷民由在位故也。  
 釋音。傳。去。上聲。爲。去聲。

古我先王。亦惟圖任。舊人共政。王播  
 告之。修不匿厥指。王用丕欽。罔有逸  
 言。民用丕變。今汝聒聒。起信險膚。予  
 弗知乃所訟。

逸。過也。盤庚言先王亦惟謀任舊人共政。王  
 播告之。修則奉承于內。而能不隱匿其指意。  
 故王用大敬之。宣化于外。又無過言以惑衆。  
 聽。故民用大變。今爾在內。則伏小人之攸箴。  
 在外。則不和吉言于百姓。諂多言。凡起信  
 於民者。皆險陂膚淺之說。我不曉汝所言。果

何謂也。詳此所謂舊人者。世臣舊家之人。非謂老成人也。蓋沮遷都者。皆世臣舊家之人。非下文人。惟求釋音。經。任。如。傳。讓。尼。交。反。鵠。反。與。詖。通。沮。在。呂。反。

非予自荒。茲德惟汝。舍德不惕。予一人。予若觀火。予亦拙謀。作乃逸。

荒廢也。逸過失也。盤庚言非我輕易遷徙。自荒廢此德。惟汝不宣布德。意不畏懼於我。我視汝情。明若觀火。我亦拙謀。不能制命。而成汝過失也。

若網在綱。有條而不紊。若農服田力

穡。乃亦有秋。

紊亂也。網舉則目張。喻下從上。小從大。申前無傲之戒。勤於田畝。則有秋成之望。喻今雖遷徙勞苦。而有永建乃家之利。申前從康之戒。

汝克黜乃心。施實德于民。至于婚友。丕乃敢大言。汝有積德。

蘇氏曰。商之世家大族。造言以害遷者。欲以苟悅小民為德也。故告之曰。是何德之有。汝曷不去。汝私心。施實德于民。與汝婚姻僚友。乎。勞而有功。此實德也。汝能勞而有功。則汝乃敢大言曰。我有積德。曰積德云者。亦指世家大族而言。申前汝猷黜乃心之戒。釋音

傳去上聲

乃不畏戎毒于遠邇。惰農自安。不昏作勞。不服田畝。越其罔有黍稷。

戎大昏強也。汝不畏沈溺大害於遠近而憚勞不遷如怠惰之農不強力為勞苦之事不

事田畝安有黍稷之可望乎此

章再以農喻申言從康之害

汝不和吉言于百姓。惟汝自生毒。乃敗禍姦宄。以自災于厥身。乃既先惡

于民。乃奉其恫。汝悔身何及。相時儉民。猶胥顧于箴言。其發有逸口。矧予制乃短長之命。汝曷弗告朕。而胥動以浮言。恐沈于衆。若火之燎于原。不可嚮邇。其猶可撲滅。則惟爾衆自作弗靖。非予有咎。

吉好也。先惡為惡之先也。奉承。恫痛。相視也。儉民。小民也。逸口。過言也。逸口尚可畏。况我制爾生殺之命。可不畏乎。恐謂恐動之。以禍患沈。謂沈陷之於罪惡。不可嚮邇。其猶可撲

滅者言其勢焰雖盛而殄滅之不難也靖安  
咎過也則惟爾眾自為不安非我有過也此  
章反復辯論申

**釋音**

**經**

奉如字孔傳云奉持故  
陸音孚勇反恫音通陸

又勅動反相去聲儉思廉反燎盧皎力照二  
反嚮許亮反古但作鄉今通作向後篇並同

撲普復音  
卜反

遲任有言曰人惟求舊器非求舊惟

新

遲任古之賢人蘇氏曰人舊則習器舊則敝  
當常使舊人用新器也今按盤庚所引其意  
在人惟求舊一句而所謂求舊者非謂老人  
但謂求人於世臣舊家云爾詳下文意可見

若以舊人為老人又  
何侮老成人之有

**釋音**

**經**

任如  
林反

古我先王暨乃祖乃父胥及逸勤予  
敢動用非罰世選爾勞予不掩爾善  
茲予大享于先王爾祖其從與享之  
作福作災予亦不敢動用非德

胥相也敢不敢也非罰非所當罰也世非一  
世也勞勞于王家也掩蔽也言先王及乃祖  
乃父相與同其勞逸我豈敢動用非罰以加  
汝乎世簡爾勞不蔽爾善茲我大享于先王  
爾祖亦以功而配食於廟先王與爾祖父臨  
之在上質之在旁作福作災皆簡在先王與



爾祖父之心。我亦豈敢動用非德以加汝乎。

釋音

選須綃須充二反與去聲

予告汝于難。若射之有志。汝無侮老成人。無弱孤有幼。各長于厥居。勉出乃力。聽予一人之作猷。

難言謀遷徙之難也。蓋遷都固非易事。而又當時臣民傲上從康。不肯遷徙。然我志決遷。若射者之必於中。有不容但已者。弱少之意。當時老成孤幼皆有言當遷者。故戒其老成者不可侮。孤幼者不可少之也。爾臣各謀長遠其居。勉出汝力。以聽我一人遷徙之謀也。

釋音

經

射。食亦反。長。如字。

傳

中。去聲。少。失照反。

無有遠邇。用罪伐厥死。用德彰厥善。邦之臧。惟汝衆。邦之不臧。惟予一人有佚罰。

用罪猶言為惡。用德猶言為善也。伐猶誅也。言無有遠近親疎。凡伐死彰善。惟視汝為惡。為善如何。爾邦之善。惟汝衆用德之故。邦之不善。惟我一人失罰其所當罰也。

凡爾衆。其惟致告。自今至于後日。各恭爾事。齊乃位。度乃口。罰及爾身。弗可悔。

致告者使各相告戒也。自今以往各敬汝事。整齊汝位。法度汝言。不然罰及汝身不可悔也。

盤庚中

盤庚作惟涉河以民遷乃話民之弗率誕告用亶其有衆咸造勿褻在王庭盤庚乃登進厥民

作起而將遷之辭殷在河南故涉河誕大亶誠也咸造皆至也勿褻戒其毋得褻慢也此史氏之言蘇氏曰民之弗率不以政令齊之而以話言曉之盤庚之仁也

音當

早反造七到反褻私列反

曰明聽朕言無荒失朕命

荒廢也

嗚呼古我前后罔不惟民之承保后胥感鮮以不浮于天時

承敬也蘇氏曰古謂過為浮浮之言勝也后既無不惟民之敬故民亦保后相與憂其憂雖有天時之災鮮不以人力勝之也林氏曰憂民之憂者民亦憂其憂罔不惟民之承保民之憂也保后胥感民亦憂其憂也

音鮮上  
傳為承敬承當訓

殷降大虐。先王不懷。厥攸作。視民利  
用。遷汝。曷弗念我古后之聞。承汝俾  
汝。惟喜康共。非汝有咎。比于罰。

先王以天降大虐。不敢安居。其所興作。視民  
利當遷而已。爾民何不念我。以所聞先王之  
事。凡我所以敬汝。使汝者。惟喜與汝同。

**釋音**  
**經**

安爾。非為汝有罪。比于罰。而謫遷汝也。  
**傳** 為去  
共。如字。比。  
毗。至反。

予若籲懷茲新邑。亦惟汝故。以丕從

厥志

我所以招呼懷來于此新邑者。亦惟以爾民  
蕩析離居之故。欲承汝俾汝康共。以大從爾  
志也。或曰。盤庚遷都。民咨胥怨。而此以為丕  
從厥志。何也。蘇氏曰。古之所謂從眾者。非從  
其口之所不樂。而從其心之所不言。而同然  
者。夫趨利而避害。舍危而就安。民心同然也。  
殷亳之遷。實斯民所利。特其一時為浮言搖  
動。怨咨不樂。使其即安危利害之實。而反求  
其心。則固其呼。去聲。樂音洛。下同。夫  
所大欲者矣。

**釋音**  
**傳**

音扶。舍音捨。為去聲。

今予將試以汝遷。安定厥邦。汝不憂  
朕心之攸困。乃咸大不宣。乃心欽念  
以忱。動予一人。爾惟自鞠自苦。若乘

舟汝弗濟。臭厥載爾。忱不屬。惟胥以沈。不其或稽。自怒曷瘳。

上文言先王惟民之承而民亦保后胥感今我亦惟汝故安定厥邦而汝乃不憂我心之所困乃皆不宣布腹心欽念以誠感動於我爾徒為此紛紛自取窮苦譬乘舟不以時濟必敗壞其所資今汝從上之誠間斷不屬安能有濟惟相與以及沈溺而已詩曰其何能淑載胥及溺正此意也利害若此爾民而罔或稽察焉是雖怨疾忿怒何損於困苦乎

**釋音**

**經**

忱時反又昨代反屬音燭瘳丑鳩反

**傳**

間去聲斷徒玩反

汝不謀長以思乃災汝誕勸憂今其有今罔後汝何生在上

汝不為長久之謀以思其不遷之災是汝大以憂而自勸也孟子曰安其危而利其災樂其所所以亡勸憂之謂也。有今猶言有今日也。罔後猶言無後日也。上天也。今其有今罔後。是天斷棄汝命汝有何生理於天乎。下文言逐續乃命于天。蓋相首尾之辭。

**釋音**

**傳**

樂音洛斷都管反

今予命汝一。無起穢以自臭。恐人倚乃身。迂乃心。

爾民當一心以聽上無起穢惡以自臭敗恐  
浮言之人倚汝之身迂汝之心使汝邪僻而  
無中正釋音迂雲俱反音與于  
之見也釋音同廣韻又音紆

予迓續乃命于天子豈汝威用奉畜  
汝衆

我之所以遷都者正以迎續汝命于天釋音  
予豈以威脅汝哉用以奉養汝衆而已釋音  
畜許脅虛經  
六反傳業反

予念我先神后之勞爾先予丕克羞  
爾用懷爾然

神后先王也羞養也即上文畜養之意言我  
思念我先神后之勞爾先人我大克羞養爾  
者用懷念爾故也

失于政陳于茲高后丕乃崇降罪疾  
曰曷虐朕民

陳久崇大也耿地而不遷以病我民是失政  
而久于此也高后湯也湯必大降罪疾于我  
曰何為而虐害我民蓋人君不能為民圖安是亦虐之也釋音能為去聲

汝萬民乃不生生暨予一人猷同心  
先后丕降與汝罪疾曰曷不暨朕幼

孫有比。故有爽德。自上其罰。汝汝罔能迪。

樂生興事則其生也厚。是謂生生。先后之言。商之先王也。幼孫盤庚自稱之辭。比。同事也。爽。失也。言汝民不能樂生興事。與我同心。以遷我先后。大降罪疾於汝。曰汝何不與朕。幼小之孫同遷乎。故汝有失德。自

樂音洛

古我先后。既勞乃祖乃父。汝共作我畜民。汝有戕則在乃心。我先后綏乃

祖乃父。乃祖乃父。乃斷棄汝。不救乃死。

既勞乃祖乃父者。申言勞爾先也。汝共作我畜民者。汝皆為我所畜之民也。戕。害也。綏。懷來之意。謂汝有戕害在汝之心。我先后固已知之。懷來汝祖汝父。汝祖汝父亦斷棄汝。不救汝也。

釋音

經

畜。許六反。戕。慈良反。斷。都管反。

茲予有亂政。同位具乃貝玉。乃祖乃父。丕乃告我高后。曰作丕刑于朕孫。迪高后。丕乃崇降弗祥。

亂治也。具多取而兼有之。謂言若我治政之臣所與共天位者。不以民生為念。而務富貝玉者。其祖父亦告我成湯。作丕刑于其子孫。啓成湯。丕乃崇降弗祥。而不赦也。此章先儒皆以為責臣之辭。然詳其文勢。曰茲子有亂政。同位。則亦對民庶責。臣之辭。非直為羣臣言也。按上四章言君有罪。民有罪。臣有罪。我高后與爾民。臣祖父一以義斷之。無所赦也。王氏曰。先王設教。因俗之善而導之。反俗之惡而禁之。方盤庚時。商俗衰。士大夫棄義。即利。故盤庚以具貝玉為戒。此反其俗之惡而禁之者也。自成周以上。莫不事死如事生。事亡如事存。故其俗皆嚴鬼神。以經考之。商俗為甚。故盤庚特稱先后與臣民之祖父。崇降罪疾為告。此因其俗之善而導之者也。

**釋音** 治平聲。直為去聲。斷都玩反。

嗚呼。今予告汝。不易。永敬大恤。無胥絕遠。汝分猷念。以相從。各設中于乃心。

告汝不易。即上篇告汝于難之意。大恤。大憂也。今我告汝以遷都之難。汝當永敬我之所大憂。念者。君民一心。然後可以有濟。苟相絕遠。而誠不屬。則殆矣。分猷者。分君之所圖。而共圖之。分念者。分君之所念。而共念之。相與也。中者。極至之理。各以極至之理存于心。則知遷徙之議。為不可易。而不為浮言橫議之所動搖也。

**釋音** 屬音燭。可易夷如字。益反。橫。戶孟反。

乃有不吉不迪。顛越不恭。暫遇茲宄。我乃劓殄滅之。無遺育。無俾易種于茲新邑。

乃有不善不道之人。顛隕踰越不恭上命者。及暫時所遇為茲為宄劫掠行道者。我小則加以劓。大則殄滅之。無有遺育。毋使移其種于此新邑也。遷徙道路艱關。恐茲人乘隙生變。故嚴明號令。以告勅之。

往哉生生。今予將試以汝遷。永建乃家。

往哉。往新邑也。方遷徙之時。人懷舊土之念。而未見新居之樂。故再以生生勉之。振起其怠惰。而作其趨事也。試用也。今我將用汝遷。永立乃家。為子孫無窮之業也。

### 盤庚下

盤庚既遷。奠厥攸居。乃正厥位。綏爰有衆。

盤庚既遷新邑。定其所居。正君臣上下之位。慰勞臣民遷徙之勞。以安有衆之情也。此史氏之言。

釋音 慰勞 去聲

曰。無戲怠。懋建大命。



曰盤庚之言也。大命非常之命也。遷國之初。臣民上下正當勤勞盡瘁。趨事赴功。以為國家無窮之計。故盤庚以無戲怠戒之。以建大命。勉之。

今予其敷心腹腎腸。歷告爾百姓于

朕志。罔罪爾眾。爾無共怒。協比讒言

予一人

歷盡也。百姓畿內民庶。百官族姓亦在其中。

古我先王將多于前功。適于山。用降

我凶德。嘉績于朕邦。

古我先王湯也。適于山。往于亳也。契始居亳。其後屢遷。成湯欲多於前人之功。故復往居

亳。按立政三亳。鄭氏曰。東成。南韞。西降。谷。以亳依山。故曰適于山也。降下也。依山地

高。水下而無河。比之患。故曰契私列反。用下我凶德。嘉績美功也。

成臯。漢志河南郡成臯縣。注云。即虎牢也。韞。音環。表山名。在河南緱氏縣東南。薛綜云。

韞。韞坂。十二曲道。將去復還。故曰韞。韞降谷。未詳。當亦在河南。案此三亳與立政篇傳不

同。亦孔疏所引。鄭註。但於史傳絕無考據。蔡氏以其地皆巖險。故引以釋適于山之語耳。

今我民用蕩析離居。罔有定極。爾謂

朕曷震動萬民以遷。

今取為河水圯壞沉溺墊隘民用蕩析離居無有定止將陷於凶德而莫之救爾謂我何故震動萬民以遷也

肆上帝將復我高祖之德亂越我家

朕及篤敬恭承民命用永地于新邑

乃上天將復我成湯之德而治及我國家我與一二篤敬之臣敬承民命用長居于此新

邑也邑釋音傳治平聲

肆予冲人非廢厥謀弔由靈各非敢

違上用宏茲賁

冲童甲至由用靈善也宏賁皆大也言我非廢爾眾謀乃至用爾眾謀之善者指當時臣民有審利害之實以為當遷者言也爾眾亦非敢固違我上亦惟欲宏大此大業爾言爾眾亦非有他意也蓋盤庚於既遷之後申彼此之情釋疑懼之意明吾前日之用謀畧彼既往之傲惰委曲忠厚之意藹然於言辭之表大事以定大業以興成湯之澤於是而益永盤庚其釋音冲持忠反音與蟲同按字書賢矣哉釋音當從水旁今書經皆從乙旁蓋衛包之誤耳甲音的音符分反

嗚呼邦伯師長百執事之人尚皆隱

哉

隱痛也。盤庚復歎息言爾諸侯公卿百  
執事之人。庶幾皆有所隱痛於心哉。

釋音

長上。復扶聲。

予其懋簡相爾。念敬我衆。

相爾雅曰。導也。我懋勉簡擇也。  
導汝以念敬我之民衆也。

釋音 相去聲

朕不肩好貨。敢恭生生。鞠人謀人之

保居。叙欽。

肩任。敢勇也。鞠人謀人未詳。或曰。鞠養也。我  
不任好賄之人。惟勇於敬民。以其生生為念。  
使鞠人謀人之保居者。吾則叙而用之。欽而禮之也。

釋音 好去聲 傳 鳩反

陸音而林反

今我既羞告爾于朕。志若否。罔有弗

欽。

羞進也。若者。如我之意。即敢恭生生之謂。否  
者。非我之意。即不肩好貨之謂。二者爾當深  
念。無有不敬。我所言也。

無總于貨寶。生生自庸。

無毋同。總聚也。庸民功也。此則直  
戒其所不可為。勉其所當為也。

式敷民德。永肩一心。

式敬也。敬布為民之德。永任一心。欲其久而  
 不替也。盤庚篇終戒勉之意。一節嚴於一節。  
 而終以無窮期之。盤庚其賢矣哉。蘇氏曰。民  
 不悅而猶為之。先王未之有也。祖乙圯于耿。  
 盤庚不得不遷。然使先王處之。則動民而民  
 不懼。勞民而民不怨。盤庚德之衰也。其所以  
 信於民者未至。故紛紛如此。然民怨誹逆命  
 而盤庚終不怒。引咎自責。益開眾言。反復告  
 諭。以口舌代斧鉞。忠厚之至此。殷之所以不  
 亡而復興也。後之君子厲民以自用者。皆以  
 盤庚藉口。予釋音復音腹。而復扶又反。  
 不可以不論。

### 說命上

說命記高宗命傅說之言。命之曰。以下  
 是也。猶蔡仲之命。微子之命。後世命官

制詞。其原蓋出於此。上篇記得說命相  
 之辭。中篇記說為相進戒之辭。下篇記  
 說論學之辭。總謂之命者。高宗命說實  
 三篇之綱領。故總稱之。今文無古文有

釋音說音悅。三篇內並傳相去聲。  
釋音同。陸云本又作兌。下同。

王宅憂亮陰二祀。既免喪。其惟弗言。  
 群臣咸諫于王曰。嗚呼。知之曰明哲。  
 明哲實作則。天子惟君萬邦。百官承  
 式。王言惟作命。不言。臣下罔攸稟令。

亮亦作諒。陰古作闇。按喪服四制。高宗諒陰  
 三年。鄭氏註云。諒古作梁。楮謂之梁。闇讀如

鷓鴣之鷓。閻謂廬也。即倚廬之廬。儀禮剪屏  
 柱。相鄭氏謂柱。相所謂梁閻是也。宅憂亮陰  
 言宅憂於梁閻也。先儒以亮陰為信默不言。  
 則於諒陰三年不言為語復而不可解矣。君  
 薨。百官總已聽於冢宰。居憂亮陰不言。禮之  
 常也。高宗喪父小乙。惟既免喪而猶弗言。羣  
 臣以其過於禮也。故咸諫之。歎息言有先知  
 之德者。謂之明哲。明哲實為法於天下。今天  
 子君臨萬邦。百官皆奉承法令。王言釋音  
 則為命。不言則臣下無所稟令矣。龍亮  
 張反。音與梁同。陰烏含反。音與菴同。按菴字  
 與鷓字同音。但古無菴字。後漢史方有之。故  
 鄭氏以鷓為音。今易之以傳。相音眉。鷓殊倫  
 便時俗。喪平聲。令去聲。傳。反。鷓烏含反。音  
 與菴同。倚廬。儀禮疏云。倚廬。孝子所居。在門  
 外東壁。倚木為廬也。剪屏。必郢反。儀禮無音。

柱。相儀禮疏云。剪屏者。士喪三虞之後。改舊  
 西鄉。開戶。剪去戶傍兩廂屏之餘草。柱。相者  
 前梁謂之相。相下兩頭豎柱。施梁。乃夾戶傍  
 之屏也。朱子云。柱字當從手。不從木。音冢。與  
 反。蓋始者。戶北向。用草為屏。不剪其餘草。至  
 是改而西向。乃剪其餘草。始者無柱。與相。簷  
 著於地。至是乃施相。及短柱。以柱其相。架  
 起其簷。今稍高。而下可作戶也。復音腹。

王庸作書以誥曰。以台正于四方。台  
 恐德弗類。茲故弗言。恭默思道。夢帝  
 賚予良弼。其代予言。

庸用也。高宗用作書告喻羣臣。以不言之意。  
 言以我表正四方。任大責重。恐德不類于前。

人故不敢輕易發言而恭敬淵默以思治道。夢帝與我賢輔其將代我言矣。蓋高宗恭默思道之心純一不二與天無間故夢寐之間帝賚良弼其念慮所孚精神所格非偶然而得者釋音無間也釋音去聲也

乃審厥象俾以形旁求于天下說築

傅巖之野惟肖

審詳也詳所夢之人繪其形象旁求于天下旁求者求之非一方也築居也今言所居猶謂之上築傅巖在虞號之間釋音也築居也肖似也與所夢之形相似釋音也築居也孔傳云傅氏之巖有澗水壞道常使胥靡築之說賢而隱代築以供食孟子亦云傅說舉

於版築之間而蔡氏獨不取何也釋音以築為上築恐未安號狼獲反按號有三此與虞相近則北號也在河東郡太陽縣

爰之作相王置諸其左右

於是立以為相按史記高宗得說與之語果聖人乃舉以為相書不言省文也未接語而遽命相亦無此理置諸左右蓋以冢宰兼師保也荀卿曰學莫便乎近其人置諸左右者近其人以學也史臣將記高宗命說之辭先叙事始如此釋音相去聲左反下云釋音荀卿名况著荀子近九反釋音巨靳反先見反

命之曰朝夕納誨以輔台德

書傳卷三 五十三

此下命說之辭朝夕納誨者無時不進善言也。孟子曰。人不足與適也。政不足與間也。惟大人為能格君心之非。高宗既相說處之。以師傳之職。而又命之朝夕納誨。以輔台德。可謂知所本矣。呂氏曰。高宗見道。釋音。適音謫。明。故知頃刻不可無賢人之言。釋音。間去聲。

若金用汝作礪。若濟巨川。用汝作舟楫。若歲大旱。用汝作霖雨。

三日雨為霖。高宗託物以喻望說納誨之切。三語雖若一意。然一節深一節也。

啓乃心沃朕心。

啓。開也。沃。灌漑也。啓乃心者。開其心而無隱沃朕心者。漑我心而厭飫也。釋音。居代反。厭於鹽二反。

若藥弗瞑眩。厥疾弗瘳。若跣弗視地。

厥足用傷。

方言曰。飲藥而毒。海岱之間謂之瞑眩。瘳。愈也。弗。瞑眩。喻臣之言不苦口也。弗視地。喻我之行無所見也。釋音。緇反。跣。眠見反。眩。熒反。揚雄字子雲。

惟暨乃僚。罔不同心。以匡乃辟。俾率

先王迪我高后以康兆民

匡正率循也。先王商先哲王也。說既作相總百官則卿士而下皆其僚屬。高宗欲傳說暨其僚屬同心正救使循先王之道。蹈成湯之迹以安天下之民也。

**釋音**

**經**

辟必益反

嗚呼欽予時命其惟有終

敬我是命其思有終也。是命上文所命者

說復于王曰惟木從繩則正后從諫則聖后克聖臣不命其承疇敢不祗若王之休命

答欽予時命之語。木從繩喻后從諫。明諫之決不可不受也。然高宗當求受言於己不必責進言於臣。君果從諫臣雖不命猶且承之。况命之如此誰敢不敬順其美命乎。

說命中

惟說命總百官

說受命總百官冢宰之職也

乃進于王曰嗚呼明王奉若天道建邦設都樹后王君公承以大夫師長不惟逸豫惟以亂民



后王天子也。君公諸侯也。治亂曰亂。明王奉順。天道建邦設都立天子諸侯承以大夫師長。制為君臣上下之禮。以尊臨卑。以下奉上。非為一人逸豫之計而已也。惟欲以治民焉耳。

**釋音** 長上。治平聲。下同。非為去聲。

惟天聰明。惟聖時憲。惟臣欽若。惟民

從乂。

天之聰明無所不聞。無所不見。無他公而已矣。人君法天之聰明。一出於公。則臣敬順而民亦從治矣。

惟口起羞。惟甲冑起戎。惟衣裳在笥。

惟干戈省厥躬。王惟戒茲。允茲克明。乃罔不休。

言語所以文身也。輕出則有起羞之患。甲冑所以衛身也。輕動則有起戎之憂。二者所以為己當慮其患於人也。衣裳所以命有德必謹於在笥者。戒其有所輕予。干戈所以討有罪。必嚴於省躬者。戒其有所輕動。二者所以加人當審其用於己也。王惟戒此四者。信此而能明焉。則政書字下當從日。冑胤之治無不休美矣。**釋音** 冑直又反。兕。按韻。冑乃從肉。今多相混也。**傳** 為去聲。笥。相吏反。省息井反。

惟治亂在庶官。官不及私昵。惟其能

# 爵罔及惡德惟其賢

庶官治亂之原也。庶官得其人則治，不得其人則亂。王制曰：論定而後官之，任官而後爵之。六卿百執事，所謂官也。公卿大夫士，所謂爵也。官以任事，故曰能；爵以命德，故曰賢。惟賢惟能，所以治也。私昵惡德，所以亂也。按古者公侯伯子男，爵之於侯國、公卿大夫士，爵之於朝廷。此言庶官則爵為公卿大夫士也。○吳氏曰：惡德猶凶德也。人君當用吉士，凶德之人雖有過人之才，爵亦不可及。

# 慮善以動，動惟厥時

善當乎理也。時，時措之宜也。慮固欲其當乎理，然動非其時，猶無益也。聖人酬酢斯世，亦

其時釋音當去聲而巳釋音下同

# 有其善，喪厥善；矜其能，喪厥功

自有其善，則已不加勉而德虧矣。釋音喪去自矜其能，則人不効力而功隳矣。釋音聲下同

# 惟事事，乃其有備；有備無患

惟事其事，乃其有備。有備故無患也。張氏曰：修車馬、備器械、事乎兵事，則兵有其備；故外侮不能為之憂。簡稼器、修稼政事乎農事，則農有其備。故水旱不能為之害。所謂事事有備無患者如此。

無啓寵納侮。無恥過作非。

母開寵幸而納人之侮。母恥過誤而遂已之非。過誤出於偶然。作非出於有意。

無母通。下同。

惟厥攸居。政事惟醇。

居止而安之義。安於義理之所止也。義理出於勉強。則猶二也。義理安於自然。則一矣。一

故政事醇而不雜也。

黷于祭祀。時謂弗欽。禮煩則亂。事神則難。

則難。

祭不欲黷。黷則不敬。禮不欲煩。煩則擾亂。皆非所以交鬼神之道也。高宗或未能脫於流俗。事神之禮必有過焉。祖已戒其祀無豐肥。傳說蓋因其失而正之也。

經。黷。徒。谷反。

王曰。旨哉。說乃言。惟服。乃不良于言。

予罔聞于行。

旨美也。古人於飲食之美者。必以旨言之。蓋有味其言也。服行也。高宗贊美說之所言。謂可服行。使汝不善於言。則我無所聞而行之也。蘇氏曰。說之言譬如藥石。雖散而不行。然一言一藥。皆足以治天下。之公患。所謂古之立言者。

說拜稽首曰。非知之艱。行之惟艱。王  
忱不艱。允協于先王成德。惟說不言  
有厥咎

高宗方味說之所言。而說以為得於耳者。非  
難行於身者為難。王忱信之。亦不為難。信可  
合成湯之成德。說於是而猶有所不言。則有  
其罪矣。上篇言后克聖。臣不命其承。所以廣  
其從諫之量。而將告以為治之要也。此篇言  
允協先王成德。惟說不言。有厥咎。所以責其  
躬行之實。將進其為學之  
說也。皆引而不發之義。

**釋音**

**傳**

量去聲之  
說如字

說命下

王曰。來汝說。台小子舊學于甘盤。既  
乃遜于荒野。入宅于河。自河徂亳。暨

厥終罔顯

甘盤。臣名。君奭言在武丁時。則有若甘盤。遜  
退也。高宗言我小子舊學於甘盤。已而退于  
荒野。後又入居于河。自河徂亳。遷徙不常。歷  
敘其廢學之因而歎其學終無所顯明也。無  
逸言高宗舊勞于外。爰暨小人。與此相應。國  
語亦謂武丁入于河。自河徂亳。唐孔氏曰。高  
宗為王子時。其父小乙欲其知民之艱苦。故  
使居民間也。蘇氏謂甘盤遜于荒野。以台小  
子語脉推  
之。非是

**釋音**

**傳**

應去聲。按君奭篇。歷敘殷  
之賢相曰。在武丁時。則有若

甘盤則甘盤嘗為高宗之相矣。經世書紀年亦於高宗元年書甘盤為相。遜于荒野以下。當從蘇氏說。朱子語錄亦云。只是尋甘盤不見。

爾惟訓于朕志。若作酒醴。爾惟麴蘖。若作和羹。爾惟鹽梅。爾交修予。罔予棄。予惟克邁乃訓。

心之所之謂之志。邁行也。范氏曰。酒非麴蘖不成。羹非鹽梅不和。人君雖有美質。必得賢人輔導。乃能成德。作酒者麴多則太苦。蘖多則太甘。麴蘖得中。然後成酒。作羹者鹽過則鹹。梅過則酸。鹽梅得中。然後成羹。臣之於君。當以柔濟剛。可濟否。左右規正。以成其德。故

曰爾交修予。爾無我棄。我能行爾之言也。孔氏曰。交者非一之義。

釋音

醴

禮音麴

丘六反。蘖魚列反。和如字。

說曰。王人求多聞。時惟建事。學于古。訓乃有獲。事不師古。以克永世。匪說攸聞。

求多聞者。資之人。學古訓者。反之己。古訓者。古先聖王之訓。載修身治天下之道。二典三謨之類是也。說稱王而告之曰。人求多聞者。是惟立事。然必學古訓。深識義理。然後有得。不師古訓。而能長治久安者。非說所聞。甚言無此理也。林氏曰。傳說稱王而告之。與禹

稱舜曰帝光天音身治平聲  
之下文勢正同釋音長治去聲

惟學遜志務時敏厥修乃來允懷于  
茲道積于厥躬

遜謙抑也。務專力也。時敏者無時而不敏也。遜其志如有所不能敏於學如有所不及虛以受人勤以勵己則其所修如泉始達源源乎其來矣。茲此也。篤信而深念乎此則道積於身不可以一二計矣。夫修之來釋音來之積其學之得於己者如此釋音夫音

惟學半念終始典于學厥德修罔  
覺

數教也。言教人居學之半。蓋道積厥躬者體之立。數學于人者用之行。兼體用合內外而後聖學可全也。始之自學學也。終之教人亦學也。一念終始常在於學無少間斷則德之所修有不知其然而然者矣。或曰受教亦曰數數於為學之道半之。半須自得此說極為新巧。但古人論學語皆平正的實此章句數非一不應中間一語獨爾險巧。此蓋後世釋教機權而誤以釋音教反傳間去聲斷徒玩論聖賢之學也

監于先王成憲其永無愆

憲法愆過也。言德雖造於罔覺而法必監于先王先王成法者子孫之所當守者也。孟子

言遵先王之法而過釋音者未之有也亦此意經監音傳造七到反

惟說式克欽承旁招俊乂列于庶位

式用也言高宗之德苟至於無愆則說用能敬承其意廣求俊乂列於眾職蓋進賢雖大則雖欲進賢有不可得者

王曰嗚呼說四海之內咸仰朕德時

乃風

風教也天下皆仰我德是汝之教也

股肱惟人良臣惟聖

手足備而成人良臣輔而君聖高宗初以舟楫霖雨為喻繼以麴蘖鹽梅為喻至此又以股肱惟人為喻其所造益深切矣釋音傳造七到反

昔先正保衡作我先王乃曰予弗克

俾厥后惟堯舜其心愧恥若撻于市

一夫不獲則曰時予之辜佑我烈祖

格于皇天爾尚明保予罔俾阿衡專

美有商

先正先世長官之臣保安也保衡猶阿衡作興起也撻于市恥之甚也不獲不得其所也

高宗舉伊尹之言謂其自任如此故能輔我  
成湯功格于皇天爾庶幾明以輔我無使伊  
尹專美於我商家也傳說以成湯望高宗故  
曰協于先王成德監于先王成憲高宗以伊  
尹望傳說故曰罔釋音長上聲蔡傳此章從  
俾阿衡專美有商釋音孔氏訓正為長君牙  
文侯篇釋先正為祖父按詩雲漢  
禮記緇衣亦皆訓長宜歸于一

惟后非賢不乂惟賢非后不食其爾  
克紹乃辟于先王永綏民說拜稽首  
曰敢對揚天子之休命

君非賢臣不與共治賢非其君不與共食言  
君臣相遇之難如此克者責望必能之辭敢

者自信無嫌之辭對者對以已揚者揚于眾  
休命上文高宗所命也至是高宗以成湯自  
期傳說以伊尹自任君臣相勉勵如此異時  
高宗為商令王傳說為商賢佐果無愧於成  
湯伊尹釋音辟必釋音謙苦簞反  
也宜哉釋音益反釋音令去聲

### 高宗彤日

高宗彤祭有雉之異祖已訓王史氏  
以為篇亦訓體也言訓者以既有高  
宗之訓故只以篇首四釋音彤音融  
字為題今文古文皆有釋音按說命篇  
首稱王此篇首稱高宗史臣不應逆書  
廟號史記謂祖已諫於高宗時作書於  
祖庚時蓋亦因篇首高宗二字而曲為  
之說耳篇中畧無前王戒後王之意且



稱祖已曰者乃史臣之辭非祖已自作書也此必祖庚彤祭高宗之廟而祖己諫之故有豐昵之戒辭旨淺直亦告少主之語耳彤祭高宗而曰高宗彤日者謂於高宗之廟彤祭之日也如仲康命胤侯而曰胤侯命掌六師高宗命傅說而曰惟說命總百官書中如此者多乃史氏立言之法也小序不察遂以為高宗祭成湯後之鮮者又泥於小序雖馬氏釋昵為禰廟蔡傳亦云非湯廟然皆未有其說故詳論之

### 高宗彤日越有雉雉

彤祭明日又祭之名殷曰彤周曰繹雉鳴也於彤日有雉雉之異蓋祭禰廟也序言湯廟

者非是  
**釋音**  
雉居侯反  
**傳**  
繹音亦字  
書作繹

### 祖己曰惟先格王正厥事

格正也猶格其非心之格詳下文高宗祀豐于昵昵者禰廟也豐於昵失禮之正故有雉雉之異祖己自言當先格王之非心然後正其所失之事惟天監民以下格王之言王司敬民以下正事之言也

乃訓于王曰惟天監下民典厥義降年有永有不永非天夭民民中絕命

典主也義者理之當然行而宜之謂言天監視下民其禍福予奪惟主義如何爾降年

有永有不永者義則永不義則不永非天夭折其民民自以非義而中絕其命也意高宗之類祖必有祈年請命之事如漢武帝五時祀義與不義而已禱祠非永年之道釋音也言民而不言君者不敢斥也經陸又音去聲傳止同為壇以祭天言神靈所依止也史記及漢書註云雍五時者秦宣公作密時祠青帝靈公作上時祠黃帝下時祠炎帝獻公作畦時祠白帝至漢高帝作北時祠黑帝其後文帝武帝皆幸雍郊見五時

民有不若德不聽罪天既孚命正厥德乃曰其如台

不若德不順於德不聽罪不服其罪謂不改過也孚命者以妖孽為符信而謹告之也言民不順德不服罪天既以妖孽為符信而謹告之欲其恐懼修省以正德民乃曰孽祥其如我何則天必誅絕之矣祖己意謂高宗當因雉雉以自省不可謂適然而自恕夫數祭豐昵徽福於神不若德也瀆於祭祀傳說嘗以進戒意或吝改不聽罪也雉雉之異是天既孚命正厥德矣其可釋音謂妖孽其如我何耶傳作扶說文云衣服歌謠之怪也孽魚列反字當作孽禽獸蟲豸之怪也謹詰戰反省悉井反下同夫音扶數色角反傳徽堅堯反

嗚呼王司敬民罔非天胤典祀無豐

# 于昵

司主胤嗣也。王之職主於敬民而已。徼福於神。非王之事也。況祖宗莫非天之嗣。主祀其

可獨豐於昵廟乎

**釋音**

**經**

無與毋通。昵泥質反。

# 西伯戡黎

西伯文王也。名昌。姓姬氏。戡勝也。黎國名。在上黨壺關之地。按史記。文王脫羑里之囚。獻洛西之地。紂賜弓矢鉞鉞。使得專征伐。為西伯。文王既受命。黎為不道。於是舉兵伐而勝之。祖伊知周德。曰。盛既已戡黎。紂惡不悛。勢必及殷。故恐懼奔告于王。庶幾王之改之也。史錄其言以為此篇。誥體也。今文古文皆有。

或曰。西伯武王也。史記嘗載紂使膠鬲觀兵。膠鬲問之曰。西伯曷為而來。則武

王亦繼文王為西伯矣。

**釋音**

**經**

戡音堪。說文引書作。或黎尚書大傳作者。

史記作飢。又作阢。說文作鬻。集韻或作黎。

**傳**

上黨壺關。漢志縣。上黨今潞州。或云戡黎在武王興師

伐紂之時。道所經由。故先伐之。漢之黎陽。在紂都西南。疑即其地。若潞州黎城。

則在紂都之北。不應踰紂都而伐之也。姜以九反。殷獄曰姜里。一云姜里地名。

在河內湯陰縣。姜水出焉。鉞鉞。上風無反。下音越。斧也。案此篇祖伊之言。危

迫之甚。必在周師既渡河之後。若文王時。必無殷之即喪于爾邦之語。篇次不當在微子前。

西伯既戡黎。祖伊恐奔告于王。

下文無及戡黎之事。史氏特標此篇首以見祖伊告王之因也。祖姓伊名祖己後也。奔告自其邑奔走來告紂也。

曰天子天既訖我殷命。格人元龜罔

敢知吉。非先王不相我後人。惟王淫

戲用自絕。

祖伊將言天訖殷命。故特呼天子以感動之。訖絕也。格人猶言至人也。格人元龜皆能先知吉凶者。言天既已絕我殷命。格人元龜皆無敢知其吉者。甚言凶禍之必至也。非先王

在天之靈不佑我後人。我後人淫戲用自絕於天耳。

故天棄我。不有康食。不虞天性。不迪

率典。

康安虞度也。典常法也。紂自絕於天。故天棄殷。不有康食。饑饉荐臻也。不虞天性。民失常心也。不迪率典。廢壞常法也。

今我民間弗欲喪。曰天曷不降威大

命不執事。今王其如台。

大命非常之命。執至也。史記云。大命胡不至。民苦紂虐。無不欲殷之亡。曰天何不降威於

殷而受大命者何不至乎。今王其無如我何。言紂不復能君長我也。上章言天棄殷。此章言民棄殷。祖伊之言。可謂痛切明著矣。

**釋音**

**經**

喪去聲。擊音至。

**傳**

復扶又反。長上聲。

王曰。嗚呼。我生不有命在天。

紂歎息謂民雖欲亡我。我之生獨不有命在天乎。

祖伊反曰。嗚呼。乃罪多。參在上。乃能責命于天。

紂既無改過之意。祖伊退而言曰。爾罪衆多。參列在上。乃能責其命于天耶。呂氏曰。責命

於天。惟與天同德者。方可

**釋音**

**經**

參倉舍反。

殷之即喪。指乃功。不無戮于爾邦。

功事也。言殷即喪亡矣。指汝所爲之事。其能免戮於商邦乎。蘇氏曰。祖伊之諫。盡言不諱。漢唐中主所不能容者。紂雖不改而終不怒。祖伊得全。則後世人主有不如紂者多矣。愚讀是篇。而知周德之至也。祖伊以西伯戡黎。不利於殷。故奔告於紂。意必及西伯戡黎。不利於殷之語。而入以告后。出以語人。未嘗有一毫及周者。是知周家初無利天下之心。其戡黎也。義之所當伐也。使紂遷善改過。則周將終守臣節矣。祖伊殷之賢臣也。知周之興。必不利於殷。又知殷之亡。初無與於周。故因戡黎告紂。反覆乎天命。民情之可畏。而畧無

及周者文武公天  
下之心於是可見  
顧即見武王之成功  
以語去聲與去聲

**釋音**

**經**

喪去聲

**傳**

指汝所為乃謂武王也指

### 微子

微國名子爵也微子名啓帝乙長子紂之庶母兄也微子痛殷之將亡謀於箕子比干史錄其問答之語亦誥體也  
篇首有微子二字因以名篇今古文皆**釋音**微國名在東郡聊城今博州聊有**釋音**城縣有微子故城箕亦國名今陳州西華縣有箕城長上聲

微子若曰父師少師殷其弗或亂正

四方我祖底遂陳于上我用沈酗于

酒用亂敗厥德于下

父師太師三公箕子也少師孤卿比干也弗或者不能或如此也亂治也言紂無道無望其能治正天下也底致陳列也我祖成湯致功陳列於上而子孫沈酗于酒敗亂其德於下沈酗言我而不言紂者過則歸已猶不忍斥言之也  
**釋音** 敗比邁反

**傳** 治平聲

殷罔不小大好草竊姦宄卿士師師非度凡有辜罪乃罔恒獲小民方興

相為敵讎。今殷其淪喪，若涉大水，其無津涯。殷遂喪，越至于今。

殷之人民無小無大皆好草竊姦宄上而御士亦皆相師非法上下容隱凡有冒法之人無有得其罪者小民無所畏懼強陵弱衆暴寡方起讎怨爭鬪侵奪綱紀蕩然淪喪之形茫無畔岸若涉大水無有津涯殷之喪止乃至於今日乎微子上陳祖烈下述喪亂哀怨痛切言有盡而意無窮數千載之下猶使人傷感悲憤後世人主觀此亦可深監矣

**經** 好去聲恒胡登監音反喪去聲下同

曰父師少師我其發出狂吾家老老孫

于荒今爾無指告予顛隕若之何其

曰者微子更端之辭也何其語辭言紂發出顛狂暴虐無道我家老成之人皆逃遁于荒野危亡之勢如此今爾無所指示告我以顛隕隕墮之事將若之何哉蓋微子憂危之甚特更端以問救亂之策言我而不

**傳** 更平聲

父師若曰王子天毒降災荒殷邦方興沈酗于酒

言紂者亦上章我用沈酗之義

齊賤西反陸音子細反下同其如字鄭玄云語助也齊魯之間聲如姬與禮記何居同

此下箕子之答也。王子微子也。自紂言之。則紂無道。故天降災。自天下言之。則紂之無道。亦天之數。箕子歸之天者。以見其忠厚敬君之意。與小旻詩言旻天疾威。敷于下土。意同。方興者。言其方興而未艾也。此答微子。沈酌于酒之語。而有甚之之意。下同。

**釋音**  
**傳**

見形甸反  
艾。牛蓋反。

乃罔畏畏。咈其耆長。舊曰有位人。

乃罔畏畏者。不畏其所當畏也。孔子曰。君子有三畏。畏天命。畏大人。畏聖人之言。咈。逆也。耆。長。老成之人也。紂惟不畏其所當畏。故老成舊有位者。紂皆咈逆而棄逐之。即武王所謂播棄黎老者。此答微子發狂。耄。遜。之語。以上文特發問端。故此先答之。

**釋音**  
**長**  
**上**

聲

今殷民乃攘竊神祇之犧牲。用以容將食。無災。

色純曰犧。體完曰牲。牛羊豕曰牲。犧牲。祭祀天地之物。禮之最重者。猶為商民攘竊而去。有司用相。容隱將而食之。且無災禍。豈特草竊姦宄而已哉。此答微子草竊姦宄之語。**釋音** 攘。如羊反。犧。虛宜反。牲。音全。用。孔。疏。云。犧。牲。以。用。字。屬。上。句。云。器。實。曰。用。孔。疏。云。犧。牲。以。為。俎。實。黍。稷。為。簋。簋。之。實。蓋。與。泰。誓。犧。牲。粢。盛。既。于。凶。盜。同。意。蔡。傳。以。用。字。屬。下。句。則。語。殊。不。妥。不。如。孔。傳。為。優。也。



降監殷民用。又讎歛。召敵讎。不怠罪。合于一。多瘠罔詔。

讎歛。若仇敵。培歛之也。不怠。力行而不息也。詔。告也。下視殷民。凡上所用。以治之者。無非讎。讎。歛之事。夫上以讎而歛。下則下必為敵。以讎。上。下之敵。讎。實上之讎。歛。以召之。而紂方且召敵。讎。不怠。君臣上下。同惡相濟。合而為一。故民多飢殍。而無所告也。此答微子小民相為敵。讎。之語。釋音。經。監音鑿。歛。力驗。反。陸音力檢。反。傳。培音裒。治。平。聲。夫音扶。殍。反。婢表。

商今其有災。我興受其敗。商其淪喪。

我罔為臣僕。詔王子出迪。我舊曰云。刻子。王子弗出。我乃顛濟。

商今其有災。我出當其禍敗。商若淪喪。我斷無臣僕他人之理。詔。告也。告微子以去為道。蓋商祀不可無人。微子去。則可以存商祀也。刻。害也。箕子舊以微子長且賢。勸帝乙立之。帝乙不從。卒立紂。紂必忌之。是我前日所言。適以害子。子若不去。則禍必不免。我商家宗祀始隕墜。而無所託矣。箕子自言其義。決不可去。而微子之義。決不可不去也。此答微子淪喪顛濟之語。釋音。經。喪。去。聲。傳。斷。都。玩。反。長。上。聲。

自靖人自獻于先王。我不顧行遜。

上文既答微子所言至此則告以彼此去就之義靖安也各安其義之所當盡以自達其志於先王使無愧於神明而已如我則不復顧行遜也按此篇微子謀於箕子比干箕子答如上文而比干獨無所言者得非比干安於義之當死而無復言歟孔子曰殷有三仁焉三仁之行雖不同而皆出乎天理之正各得其心之所安故孔子皆許之以仁而所謂自靖者即此也○又按左傳楚克許許男面縛銜璧衰經輿櫬以見楚子楚子問諸逢伯逢伯曰昔武王克商微子啓如是武王親釋其縛受其璧而被之焚其櫬禮而命之然則微子適周乃在克商之後而此所謂去者特去其位而逃遜於外耳論微子之去者當詳於釋音

是於


釋音

復扶又反下同之行胡孟反衰音催經徒結反櫬初覲反棺也見形旬反

被敷勿反事見僖公六年○按論語言微子去之是不仕於王朝而遜去耳初不言其歸周也左傳言銜璧輿櫬史記言牽羊抱茅必皆無是事以商王同父之兄而自歸於武王是忘君辱身而先亡其宗國矣微子必不為也武王以箕子歸封之朝鮮若微子歸周武王必封之豈待成王或謂武王克殷投殷之後於宋至成王始爵為上公耳然武王既立武庚為殷後何為又投殷後於宋投之者棄之也微子之賢武王何為投之必武庚既誅之後擇殷之親賢而立之耳微子之命曰建爾于上公尹茲東夏往敷乃訓詳其辭意蓋新立國而非即舊封也蔡傳當闕左傳史記禮記之妄不必辨其歸周於克殷之後也

書傳卷三

書卷之三



文化己巳



大正二日



共八